



## Terenga 2: Hōtaka 23 – nāna nei

E te hunga tāmina ki te whakawhānui i ngā pūkenga reo, tauti mai ki te whare o AKO. He kaupapa tēnei hei whakatu i te whakaaro nui o te tangata ki te reo Māori, kia noho māhorahora te reo i roto i ō tātou whatumanawa.

### Hei Mahi Whakarongo

Māringanui he puna kōrero i te ao pāpāho kua āta tiakina hei taonga tuku iho mā pikipiki ake. Nō Te Pātaka Kōrero te kiriata poto o te rangi nei. Anei ngā pātai hei whakautu mā koutou.

1. Ko whea te wāhi e kōrerohia nei?
2. He aha ētehi kōrero mō te wāhi rā?
3. Ko wai tētehi tangata i kōrerohia?

### He Whakamārama

#### nāna nei

Ka whakamahia ēnei kupu hei whakahoki i te aro ki tētehi tangata, ki tētehi rōpū tāngata rānei, ki tētehi āhuatanga rānei e whakatangatahia ana, kua oti kē te kōrero i mua tata tonu nei.

**tangata** Ko Paora te tangata **nāna nei** taku whare i hanga.  
**rōpū tāngata** Koinā te tīma **nāna nei** ngā tamariki i whakapakari.  
**āhuatanga e whakatangatahia ana** He aha te kaupapa **nāna nei** koutou i karanga?

Ka taea hoki te whakamahi ētehi atu tūpou hei whakakapi i te wāhi ki te kupu 'nāna'. Tirohia ēnei tauria:  
Koinā te kapa **nā rātou nei** tātou i pōwhiri.  
Tēnā rā koe e te pouako **nāu nei** mātou i poipoi i tēnei tau.

### Hei Manatu

Ka taea te whakarite te tangata ki te rau o te manu, ki te rau rānei o tētehi otaota.

Te rau o tītapu = he rau nō te kōtuku

Te rau o piopio = he rau nō te moa

Te rau o pāpoua = he momo harakeke *fine flax*

Katoa ēnei he kupu whakarite hei whakaata i te ātaahua, i te rangatira rānei o tētehi tangata.

Arā noa atu ngā kupu whakarite o te ao Māori hei whakanui i ngā rangatira nā rātou nei i para te huarahi e māmā ake ai tā tātou noho i tēnei whenua.

### Hei Mahi

Whakamutua ēnei rerenga:

1. Ko Hoani te kaiako nāna nei...
2. Haere mai ki te matapaki i te kaupapa nāna nei...
3. Koirā te iwi nāna nei...
4. Kei wareware te tangata nāna nei...

#### Whakautu (he tauria noa iho):

1. ...mātou i whakaako.
2. ...tātou i whakahuihui
3. ...te papakāinga i noho i ngā tau ki muri.
4. ... i para te huarahi